

اداره مرکزی :
 آنقره ده ، استانبول جاده سنده آنقره
 معارف امینلکی یانده کی دائرة
 استانبول بوروسی :
 استانبولده ، باب عالی جاده سنده ۸۷ نومروده
 دائرة مخصوصه

حیات

حیات دایم حیات ... دنیا راهلر حیات قاتلم ... !
 - نیجه -

نسخه سی هبرده ۱۰ غرورده .
 سنه لکی پوسته ایله ۵ لیرا .
 (اجنبی مملکتلر ایچین ۵ دولار)
 اونه وعلان ایشلری ایچین استانبول بوروسه
 مراجعت ایدیلیر .
 یازی ایشلریک مرجعی آنقره مرکزیدر .

۲ نجی جلد

آنقره ، ۷ تموز ، ۱۹۲۷

صافی : ۳۲

غازی استانبول کیتدی

کچن برشته آتشی بکلمه آنقره سا کنلرینک « ارغور اولسون » آرازه سی ایچنده غازی آنقره ده استانبول کیتدی .
 موقناده اولسه ، آنقره سا کنلرینه غازیله آریلمیسه آغیر کلپور . استانبولده بولونانلرده بر ذات هرکسک قلمده مس
 ایتدیکنی آیه قیجه سوریدی : « یاشا ، بزی جوق زمانه اولدیمیکز » بدی . تیره نه بوبوک رئیس جمهورک « الله ایصمارلادو »
 خطابی آراسنده یاراسه یاراسه اوزاقلاشوب غائب اولوب هرکس روچنده بر بوشلوه مس ایتدی . تسبیعه دنلرک هینده
 آنقره نك معنوی هاداسنده بوبوک برشی اکسپلمه سی واردی .
 برکت و برسیه ، اوقادار نه غازی بی اولدیه استانبوللیر جوق عقلی سونجلیتی آنقره ده کیلرک روچلرینده سربیت ایتدی .
 بوقیضا آریلیفک مراتنی آزالناه بودر .

— آنقره ، ۳۰ حزیران ، ۱۹۲۷ —

حیات

ایکی سنه دوریه

۹۲۷ سنه سی ، برتلونک دوغومنک یوزنجی نیوتونک اولومنک ایکی یوزنجی سنه سیدر .

فرانسه ، مشهور کیمیا عالمی مارسله ن برتلونک
 دوغومنک یوزنجی سنه دوریه سنی تسعید ایچون
 حاضر لانیور . بوتون جهان علم عالمک اشتراک
 ایده جکی بونوع علمی تظاهرلر بروطنی نه قادر
 یوکسه لیر .. بر عالمک ، بر بوبوک آدامک
 خاطر لرینی یاد ایتدیره بونوع مراسم اوکوست
 قونک پک ایی تقدیر ایتدیکی کچی اک بوبوک
 عبادتدر . انسان بونوع مراسم ایچنده خیالاً
 یاشادیغی زمان بیله یوکسه ملک هیجانی دویار .
 موسیو نیمیل بورهل « نووه لیتهره » ده
 چیقان بر مقاله سنده ایچنده یاشادیغمز سنه نك یالکیز
 برتلونک دوغومنک یوزنجی سنه سی دکل ، عینی
 زمانده نیوتونک وفاتنک ایکی یوزنجی سنه
 دوریه سی اولدیغی ده خاطر لاتیور . دیمک که
 (۹۲۷) تاریخی ایکی بوبوک عالمی بردفعه داها
 بزه خاطر لاتمق فرصتی ویریور . بوبوک بر
 آدمک خاطر سنی یاد ایتک قادر هیچ بر شی

وجدانی تصفیه ایله مکه ، انسانه قوت وعزم
 ویرمکه خدمت ایده مز . بوبوک آدمک زمانک
 مفکوره سنی صاقلار . ده اودوغروسو بر ملتک و بوتون
 بشریتک غایه سی اونلرده کوزوکور . هر دورده
 بوبوک آدم لایموت عد ایدیلش ، علی العاده
 فانیلردن فرقلی کورولمشدر . چونکه اونلر
 اولدکدن صوکراده انسان کتله لرینه مؤثر اولمقده
 دوام ایدرلر . ده موقراسی حقنده فکریمز نه اولورسه
 اولسون ، انسانیتی علی الاطلاق کتله دکل ، اونلری
 ایسته دیکی یزه سوروکله یوب کوتورهن ، اوکلرینه
 عظیم برافق آجان بوبوک عالمک ، داهیلر تمثیل
 ایدرلر ، بونلردر که اعتیادلریمزی ، معیشت
 طریزیمزی ، حتی اعتقادلریمزی تعیین ایلرلر .
 بر نیوتون ، بر برتلو عالم نمودجی حقنده
 بزه بر فکر ویریر . بو فکر یوکسه کتحصیل
 مؤسسه لرینک ، بالخاصه دارالفنون تدریساتنک
 هدفی اراشه ایدر . اونک ایچوندر که بو ایکی

بوبوک عالمک حیات و اثری اوزرنده دوشونمک
 بزم ایچون چوق قائده لیدر .
 نیوتونک ریاضیه ده ، فیزیکده کی کشفیاتی ،
 زماننک علمنه علاوه ایتدیکی معلومات اوقادار
 اهمیتلی ، اوقادار چوقدر که بو آنجق معظم بر
 اثرله آکلاتیلا بیلیر . فقط بو خصوصده کی بوبوک
 خدمتی نه اولورسه اولسون ، نیوتونی ابدی یاپان
 اونک بولدیغی « جاذبه عمومی » قانونیدر .
 کوکده کی اجرامک حرکتلری تا ایلک کلدانی
 چوبانندن اعتباراً بوتون انسانلری حیرته سوق
 ایدهن بر سردی . یاواش یاواش سیاره لرک حرکتلری
 دهایی آکلاشیلیمغه باشلانیدی . قوپه رنیک ، کپلر ،
 غالیله سایه سنده منظومه شمسیه حقنده اولدجه
 دوغور و فکر لرلده ایدیله بیلیدی . بوکار غماً اجرامک
 حرکتی ایضاح ایدیلش دکلدی ، بو حرکتک
 سبیینه بر « سر » حالنده قالیوردی . نیوتون

بوحرکتلری جاذبه عمومی قانونی ده نیلن بسیط بدستورله ایضاح ایتدی . واقعا بو قانونله بو حرکتلرک بوتون اسراری حل ایدیش دکلدی، اجسامده کی جذب و دفع قدرتنک ماهیتی تنور ایله ممشدی . فقط ارض اوزرنده بیراقلان بر طاشک سقوطدن کوکده کی یوزلرجه اجرامک حرکاته قادار میلیونلرجه حادثه یی «اجسام یکدیگر» لری، کتله لریله مبسوطاً ، آرالرنده کی مسافه نک مربعله معکوساً متناسب اولارق جذب ایدهرلر» کی بسیط بدستورله ایضاح ایتمه سی، علم ایچون تماماً یکی بر افق آجدی . یکدیگرینه هیچ بکزه مز کورونن بیکلرجه حادثه نک بسیط حادثه لره ارجاع صورتیله ایضاح اولونا بیله جکی حقنده کی قناعتی ، امنیتی یایدی .

نیوتونی، اخلافک خاطرده سندن سیلیمه سته امکان بر اقایان بو کشفک اهمیتی نه در؟ عییا اوزرنده هیچ بر تعدیلات یا بیلماسی قابل اوله میه جق درجه ده مطلق بولونماسیمیدر؟ شبهه سز که خایر! علمده هیچ رشیت مطلق اولارق باقیلاماز، هیچ بر قانون، تام و نهائی عدایدیه مز. نه کیم «اضافیت» نظریه سی نیوتون قانوننده اوافق بر تعدیل لزومی اورتایه قویمقده در .

نیوتونک جاذبه عمومی قانونی اوله بر کشفدر که تاثیر یالکز، معین بر علم حدودی داخلنده قالمامشدر . بو قانون یالکز سماوی حادثه لری و معین فیزیک حادثه لری ایضاح ایتش دکلدر . نیوتون بو قانونله، باقونک و ده قارتک پرنسیپلری وضع ایتدیکی مثبت علمی ؛ عادتا تحقق ایتدیرمشدر . «جاذبه عمومی» قانونی یکدیگرینه ارجاعی ممکن دکل کی کورونن بیکلرجه حادثه یی بسیط دستور التنده ایضاح ایتکه علمک فعلاً هدفنی کوسترمشدر . بونک ایچوندر که نیوتونک بو کشفی علمی تحریاتک هر ساحه سته مؤثر اولمشدر . بر بویوک آدمک بر قدرتی معاصرلرینه و کندندن سوکرا کلنلره اولان تاثیرینک کنیشلکیله اولجولور . نیوتونک جاذبه عمومی قانونی قادار، علمی تحریاتده بولونانلر اوزرینه مؤثر اولش بر کشف چوق آزددر .

تأثیری بو قادار کنیش اولان بر کشف آنجاق حادثه لری اساسندن قاورایاجق و علمک هدفنی

کوره جک غایت ایی یوکسک بردماغک اثری اولایلیر . بویله بردماغه ایسه زماننک علملرینک عمومی خطرینی ییلن و یالکز دار بر اختصاص دائره سنده دکل کنیش دوشونه ییلن، بر کله ایله فلسفی عرفانه مالک بولونان انسانلر مالک اولایلیر . ایشته یوکسک بر عالمک وصفی بودر . دار بر ساحه ده قالانلر بلکه بر طاله مالز مه تدارک ایدرلر . فقط بویوک بر ترکیب، علملرک آناخلطری بیله جک واسع بر عرفانه ممکندر . اوعرفاندن محروم اولانلر بلکه علم عمله سی اولورلر فقط حقیقی بویوک عالم اولامازلر .

..

نیوتون بزدن ایکی عصر اولدر . بو وصفک دها یکی بر تجلیسی اون دو قوزنجی عصرک بویوک عالمی بر تلوده کورورز . بر تلونک مختلف کشفیاتی؛ کیمیا به خدمتی اوزون بر کتاب موضوعیدر . بر آلمان عالمی اوندن بحث ایدرکن «هر دور ایچون اک بویوک عالم عدایدیه سی لازم کلدیکنده شبهه ایتدیکم بوا دامتک باشلیجه مساعیسنک محصوللری صایق بیله چوق اوزون سورهر» دیور . بر تلوی یوکسک عالم اولارق طانیتان بالخاصه مواد عضویه نک ترکیبی یولنی آجدقن سوکرا کیمیا ی حروری بی تأسیس ایله سیدر . کیمیانک حقیقی واضعی لا ووازیه دن بری اجسام عضویه نک حرارت ، الکتریک کی قوتلر اغانه سیله ترکیبی یولی بولونامامشدی . بویوزدن عضوی جسملرک یالکز حیات قوتی اغانه سیله وجوده کله بیله جکی بناءً علیه یالکز طبیعتک بو کاقادر اولدینی ظنی برلشمشدی . برتلو حرارت و الکتریک قوتی اغانه سیله اجسام عضویه نک ترکیبی کشف ایتدکدن سوکرا معدنی مواد ایله عضوی اجسام آراسنده فرض اولونان فرق اورتادن قالقمش اولدی .

آرتیق کیمیا کندیسی ایچون یکی بر موضوع یاراتمش اولویوردی . طبیعتدن بعضاً پک کوچ الده ایدیلن موادک لابوراتوارلرده صنعی اولارق یا پیلا بیلمسی بشرک کوزی اوکنه امثالسر بر افق آجدی ! فقط برتلو بونکه قالمادی . تعامل کیمیوی اثناسنده افعال حروریه یی اولچمک و بناءً فیزیکی و میخانیک قوتلر کی کیمیوی قوتی ده تعیین ایله مک ایسته دی . ناصل نیوتون بیکلرجه اجرامک حرکاتی بسیط بدستور ارجاع ایتک ایسته دی ایسه بر تلوده

میلیونلرجه کیمیوی تعامللرده کی یکدیگرندن چوق فرقی کورولن حادثه لری، ریاضی دستورلره ارجاعه چالیشدی . تماماً موفق اولدیمی؟ خایر.. ابدیاً بر تلوی خاطر لاتاجق اولان کیمیا ی حروری قانونلری کندندن سوکرا آز چوق تعدیلاته اوغرادی . یارین بلکه دیگر بر طالم بو ساحه ده یکی بر کشفده بولوناجق . فقط کیمیانک آتییی نه اولورسه اولسون ایلک دفعه بر برینه هیچ بکزه مز کی کورونن تعاملات کیمیویه ده کی افعال حروریه یی علم ذهنیتنک ایجاب ایتدیکی طرزده بسیط قانونلره ارجاع ایتک تشبیه، بویوک عالمک اسمی ابدیله شدیرمک ایچون کافی کله جکدر .

بو تشبیه یالکز کیمیانک شو ویا بو قسمنده تحریاتده ن ادا ملره دکل، علی الاطلاق علمک ماهیتی قاورایان عمومی، دهادو غرو تعبیرله، فلسفی عرفانی اولانلره نصیب اولایلیر . فی الحقیقه بر تلونک حیاتی اوقویوکز ، اونک اختصاصله مترافق عمومی عرفانه حیرت ایدهرسکز . برتلو دها چوق کنج ایکن ره نانی طانیشدی . اولونجه به قادار بر برینک چوق صمیمی دوستی اولان بو ایکی بویوک ادام یکدیگرینک عمومی معلوماتی تاملادی . ره نان برتلودن طبیعت علملری اوکرندی، برتلو ره ناندن فلسفی عرفانی آلدی . عبرانجه یی اوکرندی . اولومندن بر هفته اول فاسدن کندیسنه کونده ریلش اولان الشمیستره عائد عبرانجه ریازی یی حله چالیشیوردی . کیمیانک تاریخیه اونی بو درجه اوغراشدیران ایشته بویوکسک و عمومی عرفانک ویردیکی اشتیاقدر . معارف ناظری اولدینی زمان اونک ایلک تحصیلده تکلیف ایلدیکی اصلاحات ، یوکسک تحصیل حقنده کی نطق، هب بو چوق یوکسک «کولتور» ک اثریدر .

نیوتون، برتلو بو کشفلریله بزه عالم انموجنی، عالم ذهنیتی کوستریر . بو بویوک اداملرک معنویتلرینه نفوذ ایدرسه کز بر طالده اولماسی لازم کلن اخلاقی ده اوکره نیرسکز ؛ برتلونک کشفیاتی صنایع ایچون عظیم تحولی موجب اولدی، بالخاصه عطریاته، بویایه طائد اولان صنایعده چوق بویوک قازانچلر تامین ایتدی . برتلو ایسته سیدی کشفلرینک براتلرینی آلیر ، اونلری صاتار ، عظیم ثروت صاحبی اولایلیردی، بونلری یاپمادی .



ادبی و تاریخی تدقیق‌له یاولماق ائرلردن

بعضی مجموعه لره دائر

هرجه و عرصه سنده تورک تاریخک بوکونه قادارتبی شویله دورسون، نبعلرینک بیله لایقيله ثبت ایدیللمش اولدینی برمتعارفه در . بو عرصه اوزون سوز سوبله مک ایستهم . بینه بیان و ایضاحه حاجت یوقدرکه فرنکلرک « مورخ » صفتی و بر دکلری آداملرک قدرتمده برمتبحرمزده حالاموجودده کیلدر . تاریخک ماده لرینی بر اثره موثقیله قویایلمک ایچون بویوک بر ترکیب و انشا مهارتنه ، وقعه لری خصوصی بر صورتده تبع ایتمک لیاقتنه ، تخمینلرنده ، تقدیرلرنده نافذ و پک دقتی بر تنقید خصلتنه مالک اولقی ایجاب ایدر . قانونه ، حقوقه ، فن حربه ، اقتصادی و مالی خصوصلره ، سیاسی واداری تشکیلاته ، اجنبی لسانلرینه ، « لسانیات » ده نیلن علمه ، جوغرافیایه ، سوسیولوژییه .. دائر اساسی وقوف صاحبی اولقی جدی بر مورخ ایچون ایلك شرطلردر . هیچ بر شیئه قیرماق ، و بینه هیچ بر شیئه طرفدارلق ایتمک کبی مسلکی بر اخلاقه ، بر « impartialité » بیطرفلق مالک اولقی و حادثه لری تعاقبلرینه ، یکدیگریله اولان مناسبتلرینه کوره صیرالامق ، یعنی حادثه لری « L'art de grouper » کومه کومه آیریق صنعتی نه واقف اولقی پک بویوک برایش در .

معلوم اولدینی اوزره تاریخک منبعلری شفاهی و ائرلر ، عنعنه لرله بر بنا و یا مزارک اوزرینه محکوک کتابلر ، طاق ظفرلر ، سکه لر ، براتلر ، فرمانلر ، « خاطرات » لر ، مخبریه عائد یازیلر ، غزتلر ... در . آوروپالی بر متبعک : « روایتلر تاریخه منبع اولقدن جیققیور . طور اقلرک آلتندن چیقاریلان آیده لر آغزلرینی آچوب بزه تاریخ ایچون اک صحیح وقوتلی حقیقلری افشا ایدیورلر » دیدیکنی بو معرضده اونوتمامالی یز . تورک ماضیسنی قابیلان آسیا ، آوروپا ، آفریقا طور اقلری ایسه - اساس اعتباریله - حالا ثورتولو دورویور . بومعظم ایشی استقباله بر اققدن باشقا چاره من یوق . بوکون ایچون یابایله جکمز شیلر کتبخانه لرده کی تبعلردن عبارت قالمده در . ادبی و تاریخی تدقیقلر ایچون مثلاً استانبولده آل سورولمه مش واصل اولقی ایچون چالیشیلان غایه یی ، بو اوغورده کی مساعی تاریخی طلبه سنه خاطر لاتارق اونلرک حس و اراده سنی ده تربیه ایتمک مجبوردر . بجه یوکسک تدریس اتمزده یاپیلاجق انقلاب بالخاصه بونقطه لرده آرانمالیدر .

محمد امین

عالم ایچون ثروت انسانیتیه خدمت ایتدیکنی کورمکدر دیدی . بر عالمک معنویاتی اوکره نمک ایسته یورمیسکز بر تلونک شو فکر لرینی او قویوکز : « بن کندم ایچون ، وطم ایچون ، انسانیت ایچون اک ابی عد ایتدیکم حرکتی دائما تحقق ایتدیرمک چالیشدم . هیچ بر زمان حیاتم ایچون محدود بر غایه دوشوندم ، هیچ بر زمان معین بر موقعه ایرمک ، معین بر ثروته مالک اولارق راحت ایتمک ، یا خود بایاغی حظوظات آرقاسنده قوشمنی ایسته مه دم ، بوتون بونلری انسان حیاتی ایچون پک عادی آرزولر عدا ایتدم .. انسان مفکوره سی بویله تلقی اولوناجق بر سعادتک چوق فوقنده در . »

ایشته هر بویوک ادام حیاتی بویله تلقی ایدر . بسیط روحلرک سعادت عد ایتدیکنی راحتدن قاچار ، او ؛ راحتیه ، سعادتیه ابداعلرده ، یاراتمالرده آرار .

دارالفنونک هدف لرندن بری ده هیچ شبهه یوق که قابل اولدینی نسبتده کنجلیکه بر نیوتونک ، بر برتلونک معنویتنی آشیلا مقدر . بردارالفنون کرسیسندن اختصاص دائره سنده ویریه جک معلومات ؛ بو کنیش کولتور ارزوسنی او یاندیرماز ، بویله بر معنویات و حس تولید ایتمزسه کنجلرده حقیقی علم محبتی او یاندیریلماز . بر مدرس و معلم یالکز عالملرک کشف ایتدکلری معلوماتی کنجلرک دماغنه صوقان برواسطه دن عبارت قالدقجه وظیفه سنی یاپمش اولاماز . مدرس و معلم کنجلرک کوروشلرینی کنیشله تن ، اونلرک اوکته ترقی افقنی آچان ، اوافقک جاذبه سنی قوتله آشیلا یه رق اونلری قوشدیراییله جک قابلیت کتیره ن مرشدلردر . بر فن فا کولته سی فرض ایدیگز که درس لرنده ساده جه معین قانونلری اوکره تیور ، فقط عمومیتله مثبت علم و اونک واصل اولدینی نتایج حقنده دوشوندورمه یور ، بویوک علم آدلرنده کی ذهنیتی ، اخلاقی آشیلامایور ، بویله بر فا کولته نک قرون وسطا مدرسه سندن فرقی ساده جه ویردیکی معلوماتده در ، فقط روح دکیشمش دکدر . عالم ساده جه دوشونن دکل ، بر غایه یی ایسته یی ، و اونک آرقاسنده قوتله قوشمق املنی دویاندیر . بر مدرس و معلم علمک واصل اولدینی نتیجه یی ،

نیجه نیجه اثرلر وارددر . بونلرک اک مهملرندن بر قسمی ایسه « مجموعه » لردر . بومجموعه لر شونک بونک ، حتی بعضاً طایفمنش آداملرک ، ادیبلرک ، شاعرلرک ، عالملرک قلمه آلدقلری - اکثریا مختلف ، حتی بر برینی طونماز یازیلری محتوی - ائرلردر . استانبول کتبخانه لری علمی و اعتدالی بر تصنیفه تابع طوتولادن بومجموعه لر مجهول بر رخزنه اولارق قالمق ضرورتمده در . تبع مراقبسی کنجلرمزه و علی العموم تاریخله ، ادبیاتله اشتغال ایدن قارلرله بر خدمت اولقی ، دها دوغروسی بونلر حقنده بر فکر ویرمک اوزره آله کچن بومجموعه لرک بعضیلرندن شو مقاله مده لایق تعیین بحث ایده جکم :

(۱) نور عثمانیه کتبخانه سنده [۱۹۰۴] نومرویه مقید و محفوظ بویوک مجموعه ؛ مذهب و نفیسدر . مع الاسف جلدی و شیرازه سی بیبرامشدر . [۱۹۴۰] تاریخنده قلمه آلمشدر . اهمیتی « عوامی تصوف ادبیاتی » نه دائر مهم بر منبع اولوشیدر . بر چوق خلق شاعرینک ، ازجمله یونس و قایغوسز کبی آداملرک نیجه نیجه منظومه لرندن باشقا سید نسیمی نک مشهور « توپوغ » لرینی ده محتویدر . معلوم اولدینی اوزره پک مهم بر ادبی شخصیت اولان « یونس » ک مطبوع دیوانی باشند باشه یاکلیشدر . یازما نسخه لری ایچنده ایسه پک اسکیلری بولونما مقده در . [۱۹۴۰] ده یازیلش اولماسی حیثیتله بومجموعه اربابی نژدنده غایت مهم بروشیقه و منبع صایلمالیدر .

(۲) بینه نور عثمانیه ده [۱۳۷۰۴] نومرویه مقید و محفوظ [۵۰] جلد ایچنده (نتایج الازهار) عنوانی بر رساله وارددره اون ایکنجی عصرک ایتدلرنده قلمه آلمشدر . کندیسنی (الحاج محمد بن احمد العییدی الخطیب بجامع شهرامینی) دیه آکلان مؤلف ، اثرینک مقدمه سنده (حالا بین الناس پرورش بولان ازهار کونا کون کیمدن ظهور ایتدی و کیملرک اثریدر ، تفحص تام و سسی و اهتمام ایله اکثرینه اطلاع تمام حاصل ایتدم . پس عمر نازینی بوقدر ایام تلف ایتدم . باری سلفدن مرور ایدن ازهار بانک اثرلرله اسملرینی جمع و تحریر ایدوب بر رساله ترقیم ایلدم ...) دیه مقصدینی و موضوعنی آکلایور . جیچکجیلک تاریخمزه دائر قیمتلی بر کتابدر .

(۳) خالص افندی کتبخانه سنده [۱۲۶۶۰] نومرویه مقید مجموعه . بو ، مشهور سلیمان فائق افندی طرفندن قلمه آلمشدر . [**] ایچنده عثمان زاده تائب ، راغب پاشا ، حشمت ، ناشد ابراهیم بک ، عزت منلا ... کبی مشهور ادیبلره عائد خبی قمره لر و منظومه لر وارددر .

(۴) حالت افندی کتبخانه سنده [۱۷۶۳] نومرویه مقید مجموعه . بویوک ، مذهب و نفیسدر . مشهور داماد ابراهیم پاشا کندیسنه تقدیم ایدیلن قصیده لری بر آرایه طویلاتی ایسته مش و بوایشه شاعر فائز افندی ایله شا کر بکی مأمور اتمش . اونلرده مشترکاً

[*] یاسا دفترده (کتاب تحفه الاحیاء) عنوانیه محرردو .
[**] سلیمان فائق افندی « دوحه المشایخ » و « سفینه الرؤسا » بی اثرلری ده تدبیل اتمشدر . خبی مأمور ایتلرده بولوشدو . وفاتی (۱۲۵۳) سنه ته تصادف ایدو .